



Pranuar / Doretuar Prenjeno/Prodato Received/Delivered	27.10.2023	3	viti god year
Organ /Njësia Organ /Jednica Org./Unit	Nr Prot Br Prot Prot No	Shtesa Prilog Appendix	Sasia Kolicina Quantity
SKOPSHTIK	6721/2023		1/3



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1219/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e ankesave në përbërje nga: Arben Mehmeti-Kryetar, Malsore Gashi Bajraktari dhe Ardita Haxhnikaj Demi-anëtarë me Vjollca Sinani-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.1219/2021 të datës 28.09.2023 të parashtruar nga ankuesja

kundër organit të punësimit Drejtoria e Arsimit-Komuna e Gjakovës, në çështjen juridike “Kërkesë nga Marrëdhënia e Punës”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, të mbajtur më datë 27.10.2023, mori këtë:

V E N D I M

I. Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur më ankesën A.nr.1219/2023 të datës 28.09.2023 të parashtruar nga ankuesja

II. Lënda i dërgohet për shqyrtim dhe vendosje organit kompetent/ Komisionit për Ankesa të Komunës së Gjakovës.

A r s y e t i m

Ankuesja sipas kontratës së punës së datës 23.08.2022 në pozitën e punës “Bibliotekiste” në ShMU “Yll Morina” në Komunë të Gjakovës, më datë 28.09.2023 ka parashtruar ankesë me numër protokoll 6289/2023 në Këshillin e Pavarur Mbikëqyrës për Shërbimin Civil të Kosovës, me pretendimet ankimore për pensionim të parakohshëm për arsye shëndetësore.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 06.10.2023 ka dërguar kërkesën për përgjigje në ankesë tek Komuna e Gjakovës, ndërsa Këshilli më datë 17.10.2023 me numër protokoll 1219/2023 ka pranuar përgjigje në ankesë nga e njëjta me shkresat e bashkangjitura të lëndës.

Kolegji për Shqyrtimin dhe Vendosjen e Ankesave, duke shqyrtuar të gjitha provat e lëndës, specifikisht duke marrë për bazë kontratën aktuale të punës së datës 23.08.2022 përmes së cilës konfirmohet se e njëjta mbanë pozitën e punës "Bibliotekiste" në ShMU "Yll Morina" në Komunë të Gjakovës, dhe referuar këtij dokumenti kryesor të marrëdhënies së punës përmes së cilit vërtetohet edhe statusi i nëpunësit-ankuesit, e që konfirmohet që është statusi i *nëpunësit të shërbimit publik* dhe mbi këtë bazë konstaton se Këshilli i Pavarur Mbikëqyrës për Shërbimin Civil i Kosovës, **nuk është kompetent** për vendosur për në lidhje me ankesën e parashtruar nga ankuesja, sepse:

Kolegji i Këshillit konstaton se ShMU "Yll Morina" Gjakovë, hyn në kuadër të institucioneve arsimore, poashtu pozita e punës "Bibliotekiste" në kuadër të kësaj shkolle hyn në kategori të nëpunësve të shërbimit publik rrjedhimisht lidhur me statusin e marrëdhënies së punës së ankueses, Kolegji i Këshillit i' u referua Ligjit Nr.06/L-114 për Zyrtarët Publikë (Ligj i cili është aplikuar në këtë periudhë në tekstin në vijim Ligj i aplikuar..) përkatësisht me nenin 2 paragrafi 2 është përcaktuar se: "...2.Zyrtarë publikë janë: 2.1. nëpunësi i Shërbimit Civil (në tekstin në vijim: nëpunësi civil); 2.2. nëpunësi i Shërbimit Publik; 2.3. nëpunësi i Kabinetit; dhe 2.4. nëpunësi administrativ dhe mbështetës.... 6. Nëpunës administrativo-teknik - dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike. Ndërsa në nenin 2 paragrafi 4 po të këtij ligji është përcaktuar se : Nëpunës i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike.

Kolegji për Shqyrtimin dhe Vendosjen e Ankesave me faktin se konstaton jokompetencën në këtë lëndë përkatësisht ankesë dhe ndërlidhur me procedurën e ushtrimit të mjeteve juridike në mbrojtje të të drejtave nga marrëdhënia e punës të nëpunësve të shërbimit publik ju referua Ligjit të aplikuar Nr.06/L-114 për Zyrtarët Publikë përkatësisht nenit 24 paragrafi 4, ku parashihet: "Nëpunësi i Shërbimit Publik dhe nëpunësi administrativ dhe mbështetës kanë të drejtë të ankohen sipas këtij ligji të punëdhënësi dhe më pas mund të fillojë kontest administrativ në gjykatën kompetente" dhe nenit 74 të po të njëjtit ligj ku shprehimisht parashihet: "1.Zyrtari i shërbimit publik mund të ankohet te punëdhënësi kur pretendon se i janë shkelur të drejtat në marrëdhënien e punës. Të drejtën e ankimit e kanë dhe kandidatët në procedurën e konkurrimit. 2. Ankimi paraqitet brenda pesëmbëdhjetë (15) ditëve nga njoftimi i vendimit. 3. Shqyrtimi i ankesave është në kompetencën e Komisionit të Ankesave. Komisioni i Ankesave krijohet: 3.1. në çdo administratë të institucionit të shërbimit publik; 3.2. në çdo ministri për administratën e njësisë të Shërbimit Publik në kompetencë të administratës shtetërore; dhe 3.3. në çdo komunë për nëpunësit e administratës së njësisë së shërbimit publik në kompetencë të komunës. 5. Ankesa shqyrtohet brenda

pesëmbëdhjetë (15) ditëve nga paraqitja e saj. Ankuesi, nëse nuk është i kënaqur me vendimin e organit të ankimit apo në rast se nuk merrpërgjigje brenda afatit të përcaktuar në pajtim me paragrafin 4 të këtij neni, në afatin vijues prej pesëmbëdhjetë (15) ditëve, mund të iniciojë kontest pune në gjykatën kompetente”.

Marr parasysh konstatimin si më lartë se Këshilli i Pavarur Mbikëqyrës për Shërbimin Civil të Kosovës nuk ka juridiksion për të vendosur lidhur me ankesën me numër A.nr.1219/2023 të datës 28.09.2023, dhe meqenëse nga shkresat e lëndës vërehet se ankuesja nuk ka shfrytëzuar mjetet juridike në procedurë administrative pranë organit punëdhënës konformë dispozitave të legjislacionit të potencuar si më lartë, dhe duke u bazuar në nenin 75 paragrafi 1 të Ligjit Nr.05/031 për Procedurën e Përgjithshme Administrative vendosi që lënda ti dërgohet për shqyrtim dhe vendosje organit kompetent, në këtë rast Komisionit për Ankesa të Nëpunësve të Shërbimit Publik të Komunës së Gjakovës përmes zyrës së personelit të këtij institucioni përkatësisht udhëheqësit të kësaj zyre.

Andaj, duke ju referuar dispozitave të nenit 101 paragrafi 2 të Kushtetues së Republikës së Kosovës si dhe nenit 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent që të shqyrtoj dhe të merr vendime vetëm për ankesat e nëpunësve civil dhe kandidatëve për pranim në Shërbimin Civil, andaj bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë- Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

KËSHILLI I PAVARUR MBIKËQYRËSF PËR SHËRBIMIN CIVIL TË KOSOVËS
Lënda, A.nr.1219/2023, datë 27/10/2023

Vjollca SINANI

Zyrtare e Lartë për Bashkëpunim Profesional



Vendimi i dërgohet:

- Ankueses,
- Udhëheqësit të Njesisë së Burimeve Njerëzore në Komunën e Gjakovës;
- Arkivit të KPMSHCK-së.

